

群書治要

卷七

57X
26
47

羣書治要卷第三十七

秘書監鉅鹿男臣魏徵等奉勑撰

孟子

慎子

尹文子

莊子

尉繚子

孟子

梁惠王

孟子見於梁惠王。王曰：叟不遠千里而來，亦將有以利吾國乎？孟子對曰：王何必曰利？亦



島原秘藏

曰仁義而已矣王何必以利爲名乎亦唯有
以利爲名則有仁義之道者可以利爲名耳
不利之患矣

王曰何以利吾國大夫曰何

以利吾家士庶人曰何以利吾身上下交征
利而國危矣征取也從王至庶人各欲取利其利必至于暮弑未有仁而遺其親未有義而後其君者也梁惠王曰寡人願安承教願安意承受孟子之教命孟子對曰殺人也以梃與刃有以異乎梃杖也曰無以異也以刃與以政有以異乎曰無以異也以刃與政殺人

無異也也廸有肥馬民有飢色野有餓殍此率獸而食人也獸相食人且惡之爲民父母行政不免率獸而食人惡在其爲民父母也爲政其爲民父母之道乃若其在齊宣王問曰文王之圃方七十里有諸孟子曰有之曰若是其大乎王大曰民猶以爲小也曰寡人之圃方四十里耳民以猶爲大何也曰文王之圃方七十里翦蕘者往焉雉蒐者往焉與民同之民以爲

小不亦宜乎臣聞郊閔之內有圃方四十里

殺其麋鹿者如殺人之罪

郊閔齊四境之則

則

是以四十里爲阱於國中也民以爲大不亦

宜乎

設陷阱者丈尺之間耳今陷阱乃方四十里民患其大不亦宜乎

公孫丑

孟子曰人皆有不忍人之心

言人人皆有不忍害人之心以行不忍

心忍加惡於人之也

先王有不忍人之心斯有不忍人之政矣以不忍人之心行不忍人之政治天下可運

之於掌上

先聖推傷民之政

不以是治天下亦易於轉

丸於掌上也所以謂之人皆有不忍人之心者今

有衣見孺子將入於井則皆有怵惕惻隱之心

由此觀之無惻隱之心非人也無羞惡之

心非人也無辭讓之心非人也無是非之心

非人也

言無此四者當若禽獸非人之心也

惻隱之心仁之端

也羞惡之心義之端也辭讓之心禮之端也

是非之心智之端也

端者首也

人之有是四端也

猶其有四體也有是四端而自謂不能者自

賊者也

自賊害其至性使爲不善

謂其君不能者賊其君

者也

謂其君不能爲善而不匡正者賊其君使爲不善

孟子曰矢人

豈不仁於函人哉矢人唯恐不傷人函人唯

恐傷人巫匠亦然故術技不可不慎

矢箭也函鎧也

作箭之人其性非獨不仁於作鎧之人也術使之然巫欲祝活人匠作棺欲其卑售利在人死也故治術不可不慎修其善者也

孟子曰子路人告之以

其過則喜禹聞善言則拜大舜又甚焉善與

人同舍己從人樂取於人以爲善耕稼陶漁
以至爲帝無非取於人者取諸人以爲善是

與人爲善也故君子莫大乎與人爲善

舜從耕於

歷山及陶漁皆取人之善謀而從之故曰莫大乎與人爲善也

滕文公

陳相見孟子道許行之言曰賢者與民並耕
而食孟子曰天下有大人之事有小人之事
或勞心或勞力勞心者治人勞力者治於人

故能治人者食人不能治人者食於人天下

之通義

勞心者君也勞力者民也君施教以治之民竭力治公田以奉食其上天

下通義所常行也

當堯之時洪水橫流汎濫於天下

堯獨憂之舉舜而治焉舜使禹疏九河決汝

漢八年於外三過其門而不入雖欲耕得乎

堯以不得舜爲已憂舜以不得禹臯陶爲已

憂分人以財謂之惠教人以善謂之忠爲天

下得人謂之仁是故以天下與人易爲天下

得人難

離妻

孟子曰離妻子之明公輸子之巧不以規矩
不能爲方圓師曠之聰不以六律不能正五

音堯舜之仁不以仁政不能平治天下

言當行仁

恩之政天下乃可平今有仁心仁聞而民不被澤不可

法於後世者不行先王之道也

人心牲仁也言當行仁

聞也雖然猶須行先王之道使百姓被澤乃可爲後世法也故曰徒善不

足以爲政徒法不能以自行但有善心而不足行之爲政但有善法度而不施之法度亦不能獨自行聖人旣竭目力焉繼

之以規矩準繩以爲方圓旣竭耳力焉繼之以六律正五音旣竭心思焉繼之以不忍人之政而仁覆天下也故爲高必因丘陵爲下必因川澤爲政不因先王之法可謂智乎自然即用力少而成功多是以惟仁者宜在高位不仁而在高位是播惡于衆也仁者能由先王之道不仁者逆道則播揚

其惡於衆人也

孟子曰三代之得天下也以仁其失天下也以不仁國家之所以廢興存亡者亦然天子不仁不保四海之內諸侯不仁不保社稷卿大夫不仁不保宗廟士庶人不仁不保四體今惡死亡而樂不仁猶惡醉而強酒孟子告齊宣王曰君之視臣如子足則臣之視君如腹心君之視臣如犬馬則臣之視君

如國人君之視臣如土芥則臣之視君如寇

讎芥草芥也臣緣君以爲差等

告子

孟子曰今有無名之指屈而不申非疾痛害事如有能申之者則不遠秦楚之路爲指之不若人也

無名之指手第四指也餘指皆有名無名指非手之用指也

指不若人則知惡之心不若人則不知惡此之

謂不知類

心不若人可惡之大者也而反惡指故曰不知類類事也

孟子曰仁之勝不仁也猶水之勝火也今爲仁者猶以一杯水救一車薪之火也不息則謂水不勝火者猶以此杯與於不仁之甚者也

孟子曰五穀種之美者也苟爲不熟不如荑草夫仁亦在熟之而已矣

熟成也

盡心

孟子曰以佚道使民雖勞不怨

謂教民趣農役不使失業

當時雖勞後獲以生道殺民雖死不怨殺者其利則逆矣

殺此罪人者其意欲生人也故雖伏罪而死不怨殺者也

慎子

天有明不憂人之闇也地有財不憂人之貧也聖人有德而不憂人之危也天雖不憂人之闇也關戶牖必取己明焉則天無事也地雖不憂人之貧也伐木刈草必取己富焉則地無事矣聖人雖不憂人危也百姓準上而

比於其下必取己安焉則聖人無事矣故聖

人處上能無害人不能使人無己害也則百

姓除其害矣聖人之有天下也受之也非取

之也有光明之德故百姓推

而與之耳豈其心哉百姓之於聖人

也養之也非使聖人養己也則聖人無事矣

毛嫱西施天下之至姣也衣之以皮領則見

之者皆走

荀卿曰仲尼之狀面若象齶

易之以玄錫則行

者皆止

錫謂細布

由是觀之則玄錫色之助也姣

者辭之則色厭矣走背跋踰窮谷野走千里

藥也走背辭藥則足廢

理有相須而作事有待具而成故雖資傾

城之觀必俟衣裳之飾雖挺越常之足必假藥物而疾故有才無勢將顛墜於生

經有勢

無才亦騰乎風雲萬動云云咸皆然耳

故騰蛇遊霧飛龍乘雲

雲罷霧霽與蚯蚓同則失其所乘也故賢而屈於不肖者權輕也不肖而服於賢者位尊也堯爲匹夫不能使其隣家至南面而王則令行禁止由此觀之賢不足以服不肖而勢

位足以服不肖而勢位足以屈賢矣故無名而斷者權重也弱而矰高者乘於風也身不肖而令行者得助於衆也故舉重越高者不慢於藥愛赤子者不慢於保絕險歷遠者不慢於御此得助則成釋助則廢矣夫三王五伯之德參於天地通於鬼神周於生物者其得助博也古者工不兼事士不兼官工不兼事則事省事省則易勝士不兼官則職寡

職寡則易守故士位可世工事可常物皆用

古之率皆用

其一能以成其一事是以用無弃人使無弃才若乃任使於過分之中役物於異便之地則上下顛倒

事能亂矣百工之子不學而能者非生巧

也言有其常事也今也國無常道官無常法

是以國家日繆教雖成官不足官不足則道

理匱道理匱則慕賢智慕賢智則國家之政

要在一人之心矣

人之情也莫不自賢則不相推政要在一人從一人之所欲不必善

古者立天子而貴之者非以

則政教陵遲矣

利一人也曰天下無一貴理無由通通理以爲天下也故立天子以爲天下也非立天下以爲天子也立國君以爲國也非立國以爲君也立官長以爲官也非立官以爲長也法雖不善猶愈於無法所以一人心也夫技鈞分財投策分馬非鈞策爲均也使得美者不知所以賜得惡者不知所以怨此所以塞怨望侵不上也明君動事必由惠定罪分財必由法行

德制中必由禮法者所以愛民故欲不得干時隕也愛不得犯法當官而行貴不得踰規祿

不得踰伍惠不得兼官工不得兼事以能受事以事受利若是者上無羨賞民無羨財羨猶溢也

因脩

天道因則大

因百姓之情遂自然之性則其功至高其道至大也

化則

細化使從我物所樂其細理禡狹其德細小也

因也者因人之情也

人莫不自爲也化而使之爲我則莫可得而用矣違性矯情引彼就我則忿戾乖違莫有從之者矣是故先王不受祿者不臣祿不厚者不與入難人不得其所以自爲也則上不取用焉夫君上取用必須天機之動性分之通然後上下交泰經世可久耳故放使自爲則無不得仕而使之則無不失矣故用用人之自爲不用人之爲我則莫不可得而用矣此之謂因

民雜

民雜處而各有所能所能者不同此民之情

也備故聖人不求於一人也大君者大上也兼畜下者也

下之所能不同而皆上之用也是以大君因
民之能爲資盡苞而畜之無去取焉夫君子
也皆曲盡百姓之能兼羅萬物之分因其長
短就而用之使能父者爲父能武者爲武
者使其聽盲者使其視故理有盡用物無弃財是故不設一方以求
於人故所求者無不足也大君不擇其下故
足也不擇其下則易爲下矣易爲下則下莫

不容莫不容故多下多下之謂大上

其下既多故在

上者君臣之道臣事事

言事其

而君無事

百官

之屬各有所司君逸樂而臣任勞臣盡智力以善其

事而君無與焉仰成而已故事無不治人君
自任而務爲善則是代下負任蒙勞也臣反
逸矣故曰君人者好爲善以先下則不敢與
爭爲善以先君矣

君好見其善則群下皆謠善於君矣上以一方之善

而施於衆方之中求其爲瞻偏已多矣君偏既多而臣韜其善則天下亂矣

皆私其所知以自覆掩有過則臣反責君逆

亂之道

夫所以置三公而列百官者將使群臣各進所知以康庶績耳若乃君顯

其善而臣藏其能百事從君而出衆端自上而下則臣善不用而歸惡有在矣

君之

智未必最賢於衆也以未最賢而欲以善盡被下則不瞻矣

假使其賢猶不可推一己之智以察群下而况不最賢

若使君之智最賢以一君而盡瞻下則勞勞則有倦倦則衰衰則復反於不瞻之道也是以人君自任而躬事則臣不事事矣

言君之專荷其

事則臣下不復以事爲事矣是君臣易位也謂之倒逆倒逆則亂矣人君任臣而勿自躬則臣事事矣是君臣之順治亂之分不可不察

所謂任人者逸自任

知忠

亂世之中亡國之臣非獨無忠臣也治國之中顯君之臣非獨能盡忠也治國之人忠不偏於其君亂世之人道不偏於其臣然而治

者勞也

亂之世同世有忠道之人臣之欲患者不絕

世而君未得寧其上

夫滅亡之國皆有忠臣耳然賢君千載一會忠

臣世有之值其一隆之時則相與而交無興矣遇其昏亂之主則相與而俱已矣

無

遇比干子胥之忠而毀瘁主君於闇墨之中
遂染溺滅名而死由是觀之忠不足以救亂
世而適足以重非何以識其然也曰父有良
子而棄放瞽叟桀有忠臣而遇盈天下然則
孝子不生慈父之義

六親不和有孝慈也

而忠臣不生

聖君之下國家昏亂有貞臣也故明主之使其臣也忠

不得過職而職不得過官是以過脩於身而
下不敢以善驕矜守職之吏人務其治而莫
敢淫偷其事官正以敬其業和吏人務其治
而莫敢淫偷其事官正以順以事其上如此
則至治已

此五帝三王之業也

亡國之君非一人之罪

也

惡不衆則不足以亡其國也

治國之君非一人之力也

善不夠則不足以興治也

將治亂在乎賢使任職而不在

於忠也故智盈天下澤及其君忠盈天下害及
及其國故桀之所以亡堯不能以爲存然而
堯有不勝之善言其善道不可勝言也而桀有運兆之
名天下之惡皆歸之也則得人與失人也故廊廟之材
蓋非一木之枝也孤白之裘蓋非一狐之皮
也治亂安危存亡榮辱之施非一人之力也
德

立天子者不使諸侯疑焉立諸侯者不使大

夫疑焉立正妻者不使嬖妾疑焉立嫡子者
不使庶孽疑焉疑則動兩則爭雜則相傷害
在有與不在獨也故臣有兩位者國必亂臣
兩位而國不亂者君猶在也恃君而不亂失
君必亂子有兩位者家必亂子有兩位而家
不亂者親猶在也恃親而不亂失親必亂臣
疑其君無不危之國孽疑其宗無不危之家
君人

君人者舍法而以身治則誅賞奪與從君心出矣然則受賞者雖當望多無窮受罰者雖當望輕無已民之所信者法也今在賞者欲多在罰者欲少無法以限之則不知所論矣雖極聰明以窮輕重盡心以班奪與夫何解於怨望哉君舍法而以心裁輕重則是同功而殊罰也怨之所由生也是以分馬者之用策分田者之用鈞也非以鈞策爲過人智也所以去私塞怨也故曰大君任法而弗躬爲則事斷於法矣法

之所加各以其分蒙其賞罰而無望於君也是以怨不生而上下和矣

君臣

爲人君者不多聽物有本事有原據法倚數以觀得失無法之言不聽於耳無法之勞不圖於功無勞之親不任於官官不私親法不遺愛上下無事唯法所在係令者生民之命至治之命天下之程式萬事之儀

表智者不得過愚者不得不及焉

尹文子

大道

古人以度審長短以量受少多以衡平輕重
以律均清濁以名誓虛實以法定治亂以簡
制煩或以易御險難萬事皆歸於一百度皆
準於法歸一者簡之至準法者易之極如此
則頑嚚聾瞽可與察惠聰明同治矣天下萬
事不可備能責其備能於一人則賢聖其猶

病諸設一人能備能天下之事則左右前後
之宜遠近遲疾之間必有不兼者焉苟有不
兼於治闕矣全治而無闕者大小多少各當
其分農商工仕不易其業則處上者何事哉
有理而無益於治者君子不言有能而無益
於事者君子弗爲君子非樂有言有益於治
不得不言君子非樂有爲有益於事不得不
爲故所言者不出於名法權術所爲者不出

於農稼軍陣周務而已故明主任之治外之理小人之所必言事外之能小人之所必爲小人亦知言有損於治而不能不言小人亦知能有損於治而不能不爲故所言者極於儒墨是非之辨所爲者極於堅僞偏抗之行求名而已故明主誅之故古語曰不知無害爲君子知之無損爲小人工匠不能無害於巧君子不知無害於治此言信矣爲善使人

不能得從爲巧使人不能得爲此獨善獨巧者也未盡巧善之理爲善與衆行之爲巧與衆能之此善之善者巧之巧者故所貴聖人之治不貴其獨治貴其能與衆共治也所貴工倕之巧不貴其獨巧貴其與衆共巧也今世之行欲獨賢事欲獨能辨欲出羣勇欲絕衆獨行之賢不足以成化獨能之事不足以同務出羣之辨不可爲戶說絕衆之勇不可

與征陣凡此四者亂之所由生是以聖人任道以通其嶮立法以理其差使賢愚不相棄能鄙不相遺則能鄙齊功賢愚不相弃則賢愚等處此至治之術也名定則物不競分明則私不行物不競非無心由名定故無所磨其心私不行非無欲由分明故無所磨其欲然則心欲人人有之而得同於無心無欲者制之有道也彭蒙曰雉蒐在野衆逐之分未

定也雞豕滿市莫有志者分定故也圓者之轉非能轉而轉不得不轉也方者之止非能止而止不得不止也因圓者之自轉使不得止因方者之自止使不得轉何苦物之失分故因賢者之有用使不得不用因愚者之無用使不得用用與不用皆非我也因彼可用與不可用而自得其用也自得其用奚患物之亂也道行於世則貧賤者不怨富貴者不

驕愚弱者不憚智勇者不矜足於分也法行
於世則貧賤者不敢怨富貴富貴者不敢凌
貧賤愚者不敢怨冀智勇智勇者不敢鄙愚
弱此法之不及道也世之所貴同而貴之謂
之俗世之所用同而用之謂之物苟違於人
俗所不與苟忮於衆俗所共去故人心皆殊
而爲行若一所好各異而資用必同此俗所
齊物之所飾故所齊不可不慎所飾不可不

擇昔齊桓好衣紫合境不鬻異絲楚莊愛細
腰一國皆有飢色上之所率下乃治亂之所
由也國亂有三事年飢民散無食以聚之則
亂治國無法則亂有法而不能用則亂有食
以聚民有法而能行國不治未之有也

聖人

仁義禮樂名法刑賞凡此八者五帝三王治
世之術也故仁以導之義以宜之禮以行之

樂以和之名以正之法以齊之刑以威之賞
以勸之故仁者所以博施於物亦所以生偏
私義者所以立節行亦所以成華僞禮者所
以行謹敬亦所以生惰慢樂者所以和情志
亦所以生滛放名者所以正尊卑亦所以生
矜篡法者所以齊衆異亦所以生乖分刑者
所以威不服亦所以生陵暴賞者所以勸忠
能亦所以生鄙爭凡此八術無隱於人而常

存於世非自顯於堯湯之時非故逃於桀紂
之朝用得其道則天下治用失其道則天下
亂過此而往雖彌綸天地纏絡萬品治道之
外非羣生所食挹聖人措而不言也

凡國之將存亡有六徵有衰國有亂國有亡
國有昌國有強國有治國所謂亂亡之國者
凶虐殘暴不與焉所謂強治之國者威力仁
義不與焉君年長多妾媵少子孫疏宗強衰

國也君寵臣臣愛君公法廢私欲行亂國也
國貧小家富大君權輕臣勢重亡國也凡此
三徵不待凶虐殘暴而後弱也雖曰見存吾
必謂之亡者也內無專寵外無近習支庶繁
息長幼不亂昌國也農桑以時倉廩充實兵
甲到利封疆修理強國也上不能勝其下下
不能犯其上上下不相勝犯故禁令行人人
無私私雖經險易而國不可侵治國也凡此

三徵不待威力仁義而後強雖曰見弱吾必
謂之存者也語曰佞辯可以熒惑鬼神探人
之心度人之欲順人於嗜好而弗敢逆納於
人邪惡而求利人喜聞己之美也善能揚之
惡聞己之過也而善能飾之得之於眉睫之
間承之於言行之先世俗之人聞譽則悅聞
毀則戚此衆人之大情有同已則喜異已則
怒此人之大情故佞人善爲譽者也善順從

者也人言是亦是之人言非亦非之從人之所愛隨人之所憎故明君雖能納正直未必親正直雖能遠佞人未必能疏佞人故舜禹者以能不用佞人亦未必憎佞人語曰佞辯惑物舜禹不能得憎不可不察乎

老子曰民不畏死如之何其以死懼之凡人之不畏死由刑罰過刑罰過則民不賴其生生無所賴視君之威未如也刑罰中則民畏

死畏死由生之可樂故可以死懼矣此人君之所宜執臣下之所宜懼之

田子曰人皆自爲而不能爲人故君人者之使人使其自爲用而不使爲我用魏下先生曰善哉田子之言古者君之使臣求不私愛於己求顯忠於己而居官者必能臨陣者必勇祿賞之所勸名法之所齊不出於己心不利於己身語曰祿薄者不可與經亂賞輕者

不可與入難此處上者所宜慎者也父之於子也令有必行者有不必行者去貴妻賣妾此令必行者也因曰汝無敢恨汝無敢思令必不行者也故爲人上者必慎所令焉人貧則怨人富則驕人怨人者苦人之不祿施於己也起於情所難安而不能安猶可恕也驕人者無所苦而無故驕人此情所易貴弗能貴不可恕矣貧賤之望富貴甚微而富貴

不能酬其甚微之望夫富者之所惡貧者之所美貴者之所輕賤者之所榮然而弗酬不與同苦樂故也雖不酬之於我弗傷今萬民之望人君亦如貧賤者之望富貴其所望者蓋欲料長幼平賦歛時其飢寒省其疾痛賞罰不盤使役以時如此而已則於人君弗損也然而弗酬弗與同勞逸故也故爲人君不可不與人同勞逸焉故富貴者不可不酬貧

賤而人君不可不酬萬民則萬民之所不願戴所不願戴君丘替矣危莫甚焉禍莫大焉

莊子

胠篋

昔者容成氏大庭氏伯皇氏中央氏栗陸氏驪畜氏軒轅赫氏胥氏尊盧氏祝融氏伏戲氏神農氏當之時民結繩而用之足以紀甘其食美其服適故常甘當故常義若思夫侈靡則無時慊意矣樂其

俗安其居隣國相望雞犬之音相聞人至老死而不相往來無衣之至若此之時則至治已今遂至使民延頸舉踵曰某所有賢者羸糧而趣之則內棄其親而外棄其主之事足迹接乎諸侯之境車輶結乎千里之外至治之迹猶致其弊則是上之好智之過也上謂至治之君智而好之則有斯過矣上誠好智而無道天下大亂矣何以知其然耶夫弓弩畢弋機變之智多則鳥亂於上釣

餌罟罝罔苟之智多則魚亂於水矣削格羅

落置罘之智多則魚亂於澤矣

政之逾密避

獸猶不可圖之以智而况人哉故治天下者唯不任知任知則無妙也

智詎同

異之變多則俗惑於辯矣

上之所多者下不能安其少也性少

而以逐多則迷矣

天地

堯觀乎華封華封人曰嘻聖人請祝聖人使聖人壽堯曰辭使聖人富堯曰辭使聖人多

男子堯曰辭封人曰壽富多男子之人所欲也彼獨不用何堯曰多男子則多懼富則多事壽則多辱是三者皆非所以養意故辭封人曰始也以汝爲聖人也今然君子也天生烝民必授之職多男子而授之職則何懼之有

物皆得所而志定寄之

富而使人分之則何事之有

天下故無事也

聖人薦居

無事而期安也

而穀食

仰物而足鳥行

而無章

率性而動無常迹也

天下有道則與物皆昌天

下無道則修德就閒

雖湯武之事苟順天應人未爲不間故無爲而

無不爲者非不間也千歲厭世去而上僊

夫志人極壽命之長姪任窮理之變其生也天行其死物化故云厭世而上仙

乘彼白雲至于帝鄉

氣之散無不至之

三患莫至身常無殃則何辱之

有

堯治天下伯成子高立爲諸侯堯授舜舜授禹伯成子高辭爲諸侯而耕禹往見之則耕在野禹趨就下風立而問焉曰昔堯治天下

吾子立爲諸侯堯授舜舜授予而吾子辭爲諸侯而耕敢問其故何也子高曰昔堯治天下不賞而民勸不罰而民畏今子賞罰而民且不仁德自此衰刑自此立後世之亂自此始矣

天運

夫帝王之德以天地爲宗以道德爲主以無爲爲常無爲也則用天下而有餘有餘者閑暇之謂也

有爲也則爲天下用而不足

不足者汲汲然欲爲物用者也

欲爲物用故可得而以也

故古之人貴夫無爲也上無爲

也下亦無爲也是下與上同德也下與上同

德則不臣下有爲也上亦有爲也是上與下

同道也上與下同道則不主

夫工人無爲於刻木而有爲於

用斧主上無爲於親事而有爲於用臣臣能親事主能用臣斧能刻木而工能用斧各當其能則天理自然非有爲也若乃主代臣事則非主矣臣秉主用則非臣也故各司其任則上下咸得而無爲之理至矣

上必無爲而用天下下必有

爲爲天下用此不易之道故古之王天下

者智雖落天地不自慮也辨雖雕萬物而不

自說也能雖窮海內不自爲也

夫在上者患於不能無爲

也而代入臣之所司使咎繇不得行其明斷后稷不得施其播殖則群才失其任而主上困於役矣冕旒垂目而付之天下天下皆得其自爲斯乃無爲而無不爲者也故上下皆

無爲矣但上之無爲則自用矣

用下之無爲則自用矣

天不產而萬物化

地不長而萬物育

所謂自爾

帝王無爲而天下功

成^{功自}故曰莫神於天莫富於地莫大於帝

王故曰帝王之德配天地同乎天地之無爲也此乘天

地馳萬物而用人羣之道也本在於上未在

於下要在主詳在於臣三軍五兵之運德之

末也賞罰利害五刑之辟教之末也禮法數

度刑名比詳治之末也鐘鼓之音羽旄之容

樂之末也哭泣衰絰降殺之服哀之末也此

五末者須精神之運心術之動然後從者也

夫精神心術者五末之本也任自然未舉古而運動則五事之末不振而自舉也

之人有之而非所以先也

所先者本也

君先而臣

從長先而少從男先而女從夫尊卑先後天

地之行也故聖人取象焉

言此先後雖是人事然皆在至理中來非聖人之所作也

天尊地卑神明之位也春夏秋冬

四時之序也萬物化作盛衰之殺變化之流

也夫天地至神也而有尊卑先後之序而况

人道乎

明夫尊卑先後之序固有物之所不能無也

宗廟尚親朝

廷尚尊鄉黨尚齒行事尚賢大道之序也

言

但人倫之愚智處宜貴賤履位

官各當其才也

必分所尚也

愚智處宜貴賤履位

其能無相必由其名

名當其實故由而實不盡也

以此事

上以此畜下以此治物以此修身智謀不用必歸其天此之謂太平治之至也禮法數度刑名比詳古之人有之此下之所以事上非上之所以畜下也

寄此事於群下者也昔者舜問斯乃畜下者也

於堯曰天王之用心何如堯曰吾不傲無告無告者所不廢窮民

恒加恩也苦死者嘉孺子而謂頑民也

哀婦人此吾所以用心已舜曰美則美矣而未大也堯曰然則何如舜曰天德而出寧

與天

合德則雖出而靜也日月照而四時行若晝夜之有經雲行雨施矣

此皆不爲而自然者也

堯曰子天之合也

我人之合也夫天地者古之所大也而黃帝堯舜之所共美也故古之王天下者奚爲哉天地而已矣

知北遊

聖人行不言之教

任其自行斯道

不可致也

道在自然非可言致也

失道而後德失德而後仁失仁

而後義失義而後禮禮者道之華亂之首也

禮有常則故矯效之所由生也

故曰爲道者日損

損華僞也

損之

又損之以至於無爲而無不爲也

華去而朴爲也

天地有大美而不言四時有明法而不

議萬物有成理而不說

此孔子之所云予欲無言

聖人無

爲任其自爲而已大聖不作

唯因任也

觀於天地之謂也

徐無鬼

觀其刑容象其物宜與天地無異者

黃帝將見太隗乎具茨之山方明爲御昌寓
驂乘張若謂虜前馬昆闐滑轡後車至襄城
之野七聖皆迷無所問塗適遇牧馬童子問
塗焉曰若知具茨之山乎曰然曰知大隗之
所存卒曰然黃帝曰異哉小童非徒知具茨
之山又知太隗之所存請問爲天下小童曰

夫爲天下者亦何以異乎牧馬者哉亦去其害馬者而已矣

馬既過分爲害

黃帝再拜稽首稱天

師而退

尉繚子

天官

梁惠王問尉繚曰吾聞黃帝有刑德可以百戰百勝其有之乎尉繚曰不然黃帝所謂刑德者以刑伐之以德守之非世之所謂刑德

也世之所謂刑德者天官時日陰陽向背者也黃帝者人事而已矣何以言之今有城於此從其東西攻之不能取從其南北攻之不能取此凶者豈不得順時乘利者哉然不能取者何城高池深兵戰備具謀而守之也若乃城下池淺守弱可取也猶是觀之天官時日不若人事也故按刑德天官之陳曰背水陳者爲絕紀向坂陳者爲廢軍武王之伐紂

也背濟水向山之阪以萬二千人擊紂之億
有八萬人斷紂頭懸之白旗紂豈不得天官
之陳哉然不得勝者何人事不得也黃帝曰
先稽已智者謂之天子以是觀之人事而已
矣

兵談

王者民望之如日月歸之如父母歸之如流
水故曰明乎禁舍閑塞其取天下若化故曰

國貧者能富之地不任者任之四時不應者
能應之故夫土廣而任則其國不得無富民
衆而制則其國不得無治且富治之國兵不
發刃甲不出暴而威服天下矣故曰兵勝於
朝廷勝於喪絕勝於土功勝於市井暴甲而
勝將勝也戰而勝巨勝也戰再勝當一敗十
萬之師出費日千金故百戰百勝非善之善
者也不戰而勝善之者也

戰威

令所以一衆心也不審所出則數變數變則令雖出衆不信也出令之法雖有小過母更小疑母申事所以待衆力也不審所動則數變數變則事雖起衆不安也動事之法雖有小過母更小難母戚故上無疑令則衆不二聽動無疑事則衆不二志古率民者未有不能得其心而能得力者也未有不能得其力

而能致其死者也故國必有禮信親愛之義而後民以飢易飽國必有孝慈廉耻之俗而後民以死易生故古率民者必先禮信而後爵祿先廉耻而後刑罰先親愛而後託其身焉民死其上如其親而後申之以制古爲戰者必本氣以厲志厲志以使四枝四枝以使五兵故志不厲則士不死節士不死節雖衆不武厲士之道民之所以生不可不厚也爵

列之等死喪之禮民之所以營也不可不顯也必因民之所生以制之因其所營以顯之因其所歸以固之田祿之實飲食之糧親戚同鄉鄉里相勸死喪相救丘墓相從民之所以歸不可不速也如此故什伍如親戚阡陌如朋友故止如堵牆動如風雨車不結軋士不旋踵此本戰之道也地所以養民也城所以守地也戰所以守城也故務耕者其民不

飢務守者其地不危務戰者其城不圍三者先王之本務也而兵最急矣故先王務尊於兵尊於兵其本有五委積不多則事不行賞祿不厚則民不勸武士不選則士不強備用不便則士橫刑誅不必則士不畏先王務此五者故靜能守其所有動能成其所欲王國富民霸國富士僅存之國富大夫亡國富倉府是謂上溢而下漏故患無所付故曰與賢

用能不時日而事利明法審令不卜筮而事
吉貴政養勞不擣祠而得福故曰天時不如
地利地利不如人事聖人所貴人事而已矣
勤勞之事將必從已先故暑不立蓋寒不重
裘有登降之險將必下步軍井通而後飲軍
食熟而後食壘成而後舍軍不畢食亦不火
食飢飽勞逸寒暑必身度之如此則師雖久
不老雖老不弊故軍無損卒將無惰志

兵令

兵者凶器也戰者逆德也爭者事之末也王
者所以伐暴亂而定仁義也戰國所以立威
侵敵也弱國所以不能廢兵者以武爲植以
文爲種以武爲表以文爲裏以武爲外以文
爲內能審此三者知所以勝敗矣武者所以
凌敵分死生也文者所以視利害觀安危武
者所以犯敵也文者所以守之也兵用文武

也如響應聲也如影之隨身將有威則生無威則死有威則勝無威則敗卒有將則鬪無將則北有將則死無將則辱威者賞罰之謂也卒畏將於敵者戰勝卒畏敵於將者戰北夫戰而知所以勝敗者固稱將於敵也敵之與將也猶權衡之也將之於卒也非有父母之惻血膚之屬六親之私然而見敵走之如歸前雖有千刃之谿不測之淵見入湯火如

蹈者前見全明之賞後見必死之刑也將之能制士卒其在軍營之內行陳之間明慶賞嚴刑罰陳斧鉞飾章旗有功必賞犯令必死及至兩敵相至行陳薄近將提枹而鼓之存亡生死存枹之端矣雖有天下善者不能圖大鼓之後矣



